

# Wiehnachtsmarkt Wiehnachtsglück?

**A**ch, Ma, ik weet nich, of dat woll recht is, dat se deelwies de Wiehnachtsmarkten weer open maken", seggt Lissi nadenkelk an hör Moder. Se sünd mitnanner an Wiehnachtskookjes backen. „Bi 't Kieken na de Utlagen of bi 't Eten un Drinken denkt doch keeneen an Corona un Ofstand hollen, un an Wiehnachten düren wi dann weer nich binannerkamen.“ „Ik glööv nich, dat sük de Minsken in buten anstecken“, meent Meta. „De meesten steken sük in sloten Rümten an: in Diskos, Kneipen of bi Veranstaltens, waar de Lüü för en lang Sett in een Rümte blieven.“

Lissi holt daartegen: „In Marten sien School word all 20 Menüten de Fenseters openreten, de Schölers siten daar to klömen un doch sünd in een Klassess Kinner



Cornelia  
Nath

positiv test worden. Man kann sük also ok dann noch anstecken, wenn vööl Frisklucht rinlaten word.“

„Kinner sünd ja ok nich impft“, giff Meta to bedenken. „Ik holl de Regeln, de upstünds gellen, in buten för temelk seker. De Minsken söken eenfach en bietje Wiehnachtsstimmung un muchen gern mitnanner proten un laggen.“

„Un dat könen se in Hus of in lüttje Koppels nich?“, fraagt Lissi dwars. „Wat up Wiehnachtsmarkten verköfft word, sünd doch meest blot unnödiges Rumstahnsels, mit de wi de

## KOLUMNE

Moin, Moin  
**Schrievers**  
allerbest  
Pläseer  
Smüstern

**Spraak**  
moje  
hoop  
**Vertellsel**

## Platt maakt

Ressourcen van uns Eer verkleien. Un dann dat hele Zuckergood un de Wusten mit Pommes – in Januar maant jöseln all weer rum, dat se tonohmen hebben. Un van de Superee will ik heel nich anfangen, de hett mit Wiehnachten overhoopt nix to doon!“ Lissi hett sük nu reinweg verievert.

„Mien leve Kind“, seggt Meta heel ruhig, „wenn Papa un ik in de Adventstied inkopen gahn un in de Avendstied up de Wiehnachtsmarkt en Braadwust eten un en Glühwien drinken, dann worden wi daar nich dick un ok nich duun van. Dit lüttje Pläseer giff dat even blot in de Adventstied. Ik frei mi daar alltied up.“

Man Lissi bliff bi hör Menen: „Disse unnöselige Konsum kann van mi ut driest utfallen. En moje Wiehnachtsbelüchten, de brengt Wiehnachtsstimmung!“ „Dat giff Minsken, de leven van sükse Markten“, versöcht Meta dat noch maal. „De bruken dat Wiehnachtsgeschäft, damit se de lang Winter overstahn könen.“ „Mensch, Ma, du begrippst dat echt nich!“ Lissi word so sachtjes düll. „Dat eenzige, wat wi in disse Tied bruken, is Lücht. Lücht maakt glückelk.“